

西藏圖考卷之七

楚南黃沛翹壽善甫手輯

滇南李培榮華廷甫付梓

河間李文江蓉航
楚南陳兼善元卿甫同校

西藏藝文考 上

噶爾弼平定西藏疏

奏稿搜輯無多暫附藝文
俟續集當別其名曰奏議

爲定取詔地事從前將拉里地方攻取奏 聞 臣 等領兵

暫且在拉里地方喂養馬匹住扎與平逆將軍約會再行
進取詔地在案我們差往打聽信息之人回來稟稱竹工
之胡土克圖迎來歸順今推木品宰桑帶領準噶爾之兵

西藏圖考卷之七

藝文考上

一

六百名蠻兵二千名在於噶兒招母倫之渡口堅守墨竹
工卡章名兒自榮所前來與我們之兵對敵聞聽竹工苦
圖克免暫行歸順 臣 卽與衆人商議我們若住扎仍等約
會日期倘或推木品前來將噶兒招母倫之渡口墨竹工
卡監守將歸順我們之人俱驚怕更變則坐守事務必致
有悞我們卽行起身俟推木品未能措及之先不若將墨
竹工卡噶兒招母倫之渡口攻取再等候西甯之兵一同
前進如此議定卽將滿漢兵內挑選三十名扮爲唐古特
之人先行差往打探信息此際工布之磔巴等親身前來
稟稱我等遵奉將軍之令帶領工布兵二千名在於工布

加木打地方下營情願一同効力等語^臣等逐一賞明令千總趙儒磔巴集古爾將銀緞等物拿去前往工布加木打地方將工布之兵逐一賞賜八月十六日在於墨竹工卡地方約會已復差去^臣等帶領滿漢官兵於八月初六日自拉里起身到工卡爾拉地方竹工之胡土克圖將伊地方人口數目冊籍呈送迎來歸順已到竹工地方據我們從前差去之滿漢兵稟稱墨竹工卡兒地方有唐古特之兵榮梭蒙古兵共有千餘名俱行安營竝無推木品之兵信息次日起身至墨竹工卡地方據前行之先鋒稟稱前邊扎營之賊聞我們之兵到來俱行撤散現今彼處無兵等語因此^臣等卽行前去將墨竹工卡攻取磔巴達哇等俱行賞賜安民據差往噶兒招母倫渡口驗看船隻之通事查錯阿喇木巴等稟稱渡口無有船隻問村庄人等俱回稱船隻俱被磔巴打克渣收去推木品宰桑找獲車零敦多布已回當木地方渡口等處磔巴打克渣會積聚二三千名蠻兵扎營聞知大兵取了墨竹工卡地方兵丁俱已潰散磔巴打克渣情願逃往沙漠地方^臣等卽差千總趙儒磔巴集古爾前往磔巴打克渣曉諭爾原受

聖恩之人今

聖主廣施法教救護唐古特之人差兵前來是爲爾等速行歸順

如若仍然兩意不順卽差兵將爾拏來問罪如此差去磔巴打克渣自沙漠野地方又潛逃回家前往搜尋明白曉諭如不歸順卽行拏訊因此磔巴打克渣同趙儒集古爾一同調噶兒招母倫前來歸順接續喇嘛中古兒達旺等相繼歸順前來看來此處唐古特俱甚是恭敬磔巴凡事俱遵磔巴打克渣指使行事因此將磔巴打克渣暫行欵待令其在我們營中駐扎探聽準噶爾賊人信息俱前往達嗎哈喇烏蘇等處地方接我們西甯一路兵馬前去伊等所食糧餉俱係磔巴打克渣自詔地攢湊送去詔地準噶爾之喇嘛甚多此內亦有車零敦多布甚是靠用之人

磔巴打克渣雖經歸順不可信服_臣等僉議得詔地地方乃準噶爾賊人根基我們速行由噶兒招母倫過去攻取詔地將伊巢穴佔住四面路口堅守斷賊來路準噶爾調來之唐古特兵丁暗地差人前去令之各散挑選兵馬迎接西甯一路之兵前來幫助使準噶爾之賊兵首尾不能相顧合力易於勦滅令磔巴打克渣傳聚皮船於八月二十三日過河卽分隊令二等待衛那沁郎中鄂理等帶領滿漢官兵作第一隊_臣與都統五哥帶領滿漢官兵作第二隊副都統吳那哈總兵官趙坤馬曾伯等帶領滿漢官兵作第三隊於二十三日五更進兵將詔地攻取詔地所

有大小磔巴等布來朋等寺廟之喇嘛聚集將

聖主廣施法教救護圖伯忒愛蠻衆民之至意宣諭衆磔巴民人喇嘛俱跪稟蒙

聖主之恩享受安逸自準噶爾人等前來將我們遭害以致殘壞天朝大兵到來我們衆唐古特愛蠻人等得復見天日紛紛歡悅舉掌叩首_臣等將詔地所有之達賴喇嘛倉庫盡行封謹住於詔地堅固地方安營於相通四面道路俱派兵堅守斷絕準噶爾往來之人運糧道路又爲唐古特字樣用磔巴打克渣印信將車零敦多布處所有唐古特之兵暗地差人前去令其各散派綠旗官兵前往噶爾旦色喇布

來朋等廟內有喀木布等曉諭準噶爾刺麻準噶爾刺麻等幫護車零敦多布毀壞法教將唐古特人等殘燬爾等卽行舉出與爾等出家之人無涉若隱藏一名俱歸罪於伊等因此三個廟內喀木布衆刺麻將廟內所有一百一名準噶爾刺麻舉出內有爲首者五名刺麻磔巴打克渣各廟堪布等俱稱伊等係車零敦多布甚是靠用之人詢問此五名刺麻卽行斬戮其餘九十六名準噶爾刺麻盡行收禁詔地監內_臣等挑選滿漢兵整頓馬匹卽前往迎接平逆將軍延信之兵幫護合力剿滅賊寇外爲此謹奏

大學士福康安等摺

_{乾隆五十七年}

查唐古特兵原設有五千一百六十五名之數其實數應名毫無紀律今請額定數目於前後藏各設番民一千名定日江孜安設番兵各五百名卽於就近挑補前藏原設戴琫三人以二人駐後藏以一人駐定日再添戴琫一人駐江孜於戴琫五名外設立如琫十二名甲琫二十四名定琫一百二十名俱由駐藏大臣會同達賴刺麻揀補遇有缺出層次遞升不准躐等超越番兵每名歲給青稞二石五斗共計歲需青稞七千五百石遵

旨於沙瑪爾巴莊田及丹津班珠爾之子呈繳莊田又仲巴田地

四塊所收青稞竝於沙瑪爾巴各物變價內酌撥銀兩作

西藏圖考卷之七

藝文考上

五

爲開懇地畝之費所用烏鎗刀矛於查抄沙瑪爾巴案內撥給所用弓箭卽以抄案內牛廠所收酥油價銀製辦給發各番兵照票免其本身徭役戴琫六名各給莊田一分如琫每名歲給銀三十六兩甲琫每名歲給銀二十兩定琫十四兩八錢以上銀兩均於前藏商上支發令該管將備按期認真教演駐藏大臣於巡查之便親爲較閱分別勸懲駐防俱以所管番兵優劣由駐藏大臣分別等第於三年滿班時咨部優等者咨送將軍總督提督保題仍照舊例升用次等者祇准咨部議敘毋庸升用劣等者卽行參革並嚴禁將弁毋許欺凌番兵及私行役占以實營伍

其濟隴聶拉木札木地方無庸安設番兵防守 又籌議
衛藏章程自後噶布倫缺出於戴琫及商卓特巴仔琫內
揀選戴琫缺出先儘如琫選用如不得其人於邊缺營官
揀選以上均係駐藏大臣會同達賴刺麻擬定正陪請

旨補用其理財之商上主庫之孜琫商卓特巴缺出以管口糧之

業爾倉管刑名之協爾幫噶厦大中譯及濟仲刺麻升補
其業爾倉協爾幫缺出以分管前藏地方之希約第巴郎
仔轄第巴管馬廠之達本升補希約第巴等缺出以大缺
邊缺營官調補及噶厦卓尼爾升補業爾倉巴布約第巴
內有刺麻者亦准以刺麻補用大中譯以小中譯噶厦卓

西藏圖考卷之七

藝文考上

六

尼爾升補大缺營官缺出以小缺營官調補及小中譯補
放官兵甲琫亦准調補邊缺營官惟小缺營官始准於東
科爾及刺麻內揀用所有營官缺分應行詳悉查明大缺
邊缺小缺寫立冊檔存案以便遵守其刺麻補放營官者
多係達賴刺麻隨侍之人因其勤勞年久不能遠離酌派
管地方藉資養贍雖難概行禁絕然亦須由駐藏大臣另
派妥當之員前往該刺麻營官不得私行派人噶厦小中
譯卓尼爾亦應揀東科爾心地明敏者挑補以上各缺均
由駐藏大臣會同達賴刺麻挑選給發清漢字番字應照
爲據此外如管門管草管糶管帳房管牛羊廠頭人均

應聽達賴刺麻自行揀補至札什管事者皆係刺麻向無等級嗣後商卓特巴缺出以歲琿刺麻森琿刺麻升補歲琿以濟仲升補森琿以傳事卓尼爾升補以上各缺及營官均照前藏之例由駐藏大臣會同班禪補放給照 又奏善後章程 一藏內諸務應統歸駐藏大臣管理也向來駐藏大臣惟資坐鎮不復預聞以致藏務日就廢弛嗣後駐藏大臣除上山瞻禮外其督辦藏內事務應與達賴刺麻班禪額爾德尼平等自噶布以下番目及管事刺麻分係屬員事無大小均應稟命辦理至札什倫布一切公事亦令歲琿堪布一體稟之駐藏大臣辦理庶衛藏事權

歸一積弊可以永除 一藏內大小番目缺出應行定立等級統歸駐藏大臣會同達賴刺麻秉公揀放也查噶布倫辦理一切事務戴琿管領番兵商上仔琿商卓特巴係總司出納以上各缺尤關緊要不可越次升補卽大缺邊缺營官管理民事亦須秉公拔補以次升轉庶大小番目皆能得人營求賄屬之弊均可不杜自絕 一達賴刺麻班禪族屬一概不准管事以杜弊端也從前達賴刺麻之叔阿古拉班禪之父巴勒丹敦珠布私行定議說和而達賴刺麻兄弟根敦札克巴等倚藉聲勢妄爲滋事嗣後大小番目及管事刺麻均不得以達賴刺麻班禪族屬挑補

應俟達賴刺麻班禪轉世後准將前輩親族量才錄用以昭公允 一駐藏大臣每年應親身巡查邊界以重地方也查後藏江孜定日新設番兵濟隴聶拉木等處現已立定界址請於春秋兩季駐藏大臣奏明輪流住後藏操演番兵巡視邊界至駐防官員苦累兵番准具呈控隨地查辦駐藏大臣所用烏拉俱令自行給價以示體卹 一駐藏文員應請添設也查後藏竝無文員今改定一切章程需員稽查添設番兵亦有支放口糧等事而前藏鼓鑄銀錢尤關緊要應請於同知知州知縣內添派監造銀錢後藏亦添設縣丞等官一員支放番兵口糧所有後藏管糧佐貳應得分例及更換年限竝邊俸報滿保題之處俱照向例辦理惟前藏添設糧員以到藏日起一年一換以便按年稽查銀錢成色如果勤慎出力由駐藏大臣保奏倘敢徇私舞弊卽行參劾辦理 一駐藏大臣衙門及文武各員酌定聽差兵數以實操防也應請嗣後駐藏大臣衙門應差兵丁每人三十名遊擊一員兵八名都司兵六名守備兵四名駐藏司員兵四名筆帖式兵二名千把總每員兵一名前藏糧員看庫兵丁八名其新設之前後藏文員毋庸給與兵丁統計不過百餘名而止每遇操演日期仍著一體操演毋許藉口應差致有曠廢

軍機大臣阿桂等摺 乾隆五十八年

奏稱福康安等奏藏內善後事宜前次酌議各條外尚有應行辦理章程一摺奉

硃批軍機大臣會同大學士九卿詳議具奏欽此 臣等謹就各條

逐一悉心酌議分別於後 一達賴刺麻班禪與外番通信應告知駐藏大臣詳細商酌一欵嗣後各外番部落差人來藏者均應如福康安等所奏由邊界營官查明人數稟明駐藏大臣驗放進口竝令江孜定日駐劄備弁實力稽查具呈達賴刺麻等稟帖應呈送駐藏大臣譯閱酌定諭帖發給查點人數再行遣回其噶布倫等不准私相往來暗通信息違者參革以示懲儆 一各處邊境均應設立鄂博以清疆界一欵查西藏邊界各處向無界址今福康安等奏稱於濟隴外之熱索橋聶拉木外札木地方之鐵索橋絨轄等處均已設立鄂博等語俱係欽遵

諭旨辦理周妥嗣後仍令駐藏大臣於巡視之便加倍認真查察不得日久懈弛 一邊界營官應揀選妥幹之人補放竝應照內地邊俸之例酌定年限升擢一欵據福康安等奏稱邊界地方向來稍能辦事營官因該處氣候惡劣冰雪較早皆願在前藏當差將闕冗無能者派往以致滋弊嗣後補放邊缺營官於小缺營官及營兵之甲琿番目內擇

其幹練者調補如果到任三年辦事妥善駕馭得宜卽行調回記名以戴琫等缺升用如有辦理不善之處立卽革退等語應如所奏嗣後補放邊缺營官卽照此秉公甄拔以示勸懲 一嚴禁襲充番目以勵人材一欵查東科爾子弟不下數千人勢難更張舊制前已酌定章程如充當番兵果能奮勇出力卽非東科爾亦准其洊升戴琫其餘辦事之番目於東科爾內擇其端詳歷練之人按等補用但不准襲充伊祖父職分以致冒濫亦必須年至十八歲以上方准當差不得以幼小之人充數應如所奏辦理應令駐藏大臣隨時查察不得任聽以門第相當彼此援引躡等超越 一各寺坐牀堪布應令達賴刺麻會同駐藏大臣秉公補放一欵嗣後凡有各大寺坐牀堪布缺出達賴刺麻應知會駐藏大臣濟隴呼圖克圖公同揀放等語應如所請遇有大寺坐牀堪布缺出務令會同妥爲揀擇給與會印執照派往往持以昭慎重 一商上銀錢出入應照新定數目畫一支放一欵據福康安等奏今商上鑄造純淨十足銀錢不許絲毫攙雜令用漢字唐古忒字於正面背分鑄乾隆寶藏字樣每紋銀一兩換新鑄銀錢六圓換商上舊銀錢及巴勒布錢八圓惟查番寨租賦有以銀錢折交物件者若商上收納不公勢必苦累番民應如

所奏嗣後商上收納銀錢及採買各物俱照所定兌換之數按新舊分別折收仍令駐藏大臣隨時稽察倘查有出輕入重等弊卽行奏明查辦 一嚴禁私給免差照票以均徭役一欸查向來達賴班禪用事親族竝大胡土克圖等往往聽富戶大族囑託卽給與免票苦樂不均實未公允經福康安等嚴加查禁誠如

聖諭實爲第一要務所請將免票繳銷不得專派窮番如實有勞績達賴告知駐藏大臣之處應如所奏辦理至番兵免其門戶差使如有事故革退卽將原領免票繳銷以杜規避 一奏衛藏僧俗戶口應行造冊稽查一欸據福康安等

奏稱藏內人眾往來蹤跡靡常曾奉有

諭旨令駐藏大臣給與路票應令達賴將大小廟內刺麻名數開造清冊竝將所管地方及各胡土克圖所管寨落人戶一體造具花名清冊於駐藏大臣衙門及達賴刺麻處各存一分以備稽查等語應如所奏設有未請路票私行來往者查出將該管番目等從嚴究治 一奏蒙古王公等差人赴藏延請刺麻誦經應由駐藏大臣給照前往以資查考一欸請嗣後凡遇蒙古王公等延請刺麻者應令西甯辦事大臣行文赴藏由駐藏大臣給與執照竝咨明西甯等語應如所奏辦理 一奏嚴禁私用烏拉以恤番民一

欸嗣後應如所奏刺麻番日人等私行往來不得擅用烏拉亦不許私發信票遇有公事差遣須用烏拉之處必須稟明駐藏大臣及達賴刺麻發給印票沿途始准應付一奏罰贖不公及私行抄沒家產之弊應行嚴禁一欸據福康安等奏稱近年以來該管之噶布倫郎仔轄管遇有家道殷實之人議罰例外加增數倍又或懷挾私嫌將偶犯小過之人輒行抄沒家產等語該處舊例是否妥協亦應令駐藏大臣詳加閱核如有未妥之處正可乘此時畧爲酌改其婪索賍數過多者從重議罰其私行查抄家產之處似可永遠革除庶挾嫌逞私之弊可以不禁自息

一奏西藏官兵所需火藥應就地酌造以節糜費一欸查駐藏官兵每年操演共需火藥二千餘觔現據福康安等查明工布製造火藥較之內地價值較昂然以運腳比較則節省十餘倍之多現在軍需案內餘存火藥分貯前後藏高燥地方足供數年操演之用俟將次用竣祇敷兩年備用之時再行在藏配造至藏地產鉛甚少自應俟軍營存贖鉛丸將次用完與火繩一體由內地運解均應如所奏辦理一奏達賴刺麻賞給噶布倫戴琿等房屋莊田不得私行佔據一欸據福康安等奏現與濟隴胡土克圖確切查明凡噶布倫戴琿等應得官房田地隨任交代接

替毋許私佔等語實爲清除積弊起見應如所奏辦理
一奏商上刺麻透支錢糧之弊應行禁絕一欵據福康安
等奏稱上年以來商上支放錢糧每多先期透領嗣後應
令按期支食不許絲毫預領應如所奏交濟隴胡土克圖
隨時查核若因嚴禁預支或致短少剋扣卽將支放之人
查明究治 一奏各寨租賦應按年徵收清交商上竝查
明逃亡絕戶隨時豁免以卹番民一欵據福康安奏藏地
各寨應交租賦物件近地係派濟仲第巴往徵遠處由各
該營官徵收送交商上而不肖之濟仲營官等將收來租
賦拖延不交甚或將本年租賦收清後明年租賦逃亡人
戶亦不豁免番民頗形苦累嗣後應令商卓特巴立限嚴
催徵收之濟仲營官等年清年欸不得違限亦不得預徵
其逃亡絕戶卽將租賦豁免俟有佃種之人再行照例升
科等語應如所奏飭令商卓特巴督同濟仲等妥協辦理
一奏駐藏大臣衙門應設譯寫廓爾喀番字通事人役
一欵查駐藏大臣衙門向設譯字通事一名譯寫唐古忒
字從不通曉廓爾喀字跡言語應請添設認廓爾喀字人
役一名通廓爾喀言語通事一名竝派唐古忒人三四名
令其學習廓番字語以備充補應如所奏所設通譯二名
需用口糧照例支給以資食用 一奏廓爾喀貢使五年

一次進京瞻覲屆期令該酋長將貢使跟役人數由何路進口之處預行稟報駐藏大臣卽委糧務一員會同定日守備親赴邊界點明人數預備烏拉送至前藏駐藏大臣酌加賞犒一面奏明一面飛咨四川總督差派文武在打箭鑪等侯前藏於遊擊糧務內差委一員護送至察木多再令察木多遊擊及該處糧務輪派一員接護前進行至打箭鑪再交川省選派文武送京等語應如所奏其貢使回國亦照此逐段護送以仰副

聖天子綏懷遠人之至意以上各條臣等謹悉心公同會議繕摺具奏

西藏圖考卷之七

藝文考上

十四

駐藏大臣尙書和琳副都統成德摺

乾隆五十八年

查閱帕克哩定結各卡隘情形有噶爾達地方卡隘二處一名薩迦嶺一名春堆此二處均與廓爾喀相通又定結地方卡隘一處名擢拉山此處與廓爾喀哲孟雄相通又帕克哩卡隘三處一名哲孟山與布魯克巴相通一名哈爾山與布魯克巴小路相通一名宗木山與宗木相通以上卡隘六處均歸江孜前後藏大道爲總滙要隘臣成德親赴各處逐一查勘俱極嚴密

大學士福康安等摺

乾隆五十八年

查現在扼要總路共有兩路一係江孜地方與定結帕克

哩噶爾達相通爲布魯克巴哲孟雄宗木等處部落來藏要路且自江孜至薩迦溝行走又可繞往聶拉木一帶邊界一係定日爲聶拉木濟隴絨轄要路又可通薩喀等處應請於江孜添設一汛派守備一員外委一員帶兵二十名駐劄又於定日添設一汛派守備一員把總一員外委一員帶兵四十名所有添設官兵遵

旨於藏內及台站兵內抽撥查前藏駐防兵四百五十五名後藏兵一百五十名打箭鑪至察臺兵八百三十二名擬於察木多抽撥兵四十名拉里抽撥十名後藏抽撥十名共抽撥兵六十名其應添設之守備二員把總一員外委二員

西藏圖考卷之七

藝文考上

十五

均由川省派出應得官兵分例俱照西藏成例支給

駐藏大臣副都統成德摺

乾隆五十八年

查閱後藏各邊界新設番兵及履勘鄂博情形惟定日地方遼闊爲聶拉木宗喀絨轄三處總滙之地實爲緊要查所通絨轄之小路轄木多通宗喀大路擦木達杏通聶拉木之小路古喇噶木炯並宗喀共計五處均爲要隘每處設定琫一名番兵二十五名卽於定日新設番兵五百名內派撥似於聲勢更爲聯絡

駐藏大臣尙書和琳副都統成德摺

乾隆五十九年

籌辦藏界補立鄂博以期久遠事查濟隴聶拉木絨轄各

邊業經福康安派員立有鄂博而藏界西南通外番地方如薩喀定結帕克哩等處均未定有鄂博難保日久不無爭端查遊擊張志林熟於邊務令先往各邊會同各營官自薩喀起酌於緊要處所將應立鄂博地方繪圖貼說俟臣和琳巡邊到彼親自酌定眼同堆立鄂博嗣後邊外各部落與藏中無涉唐古忒人雖糊塗亦有遵循可期永遠無事

噶爾弼平定西藏碑記

布達拉磨厓碑凡二詳載續集此篇乃蜀志改撰爲一者也

聖天子統御中外覆育萬方文德覃敷自古難化之族武功赫

濯闢從來未闢之疆允矣澤被無雷威周出口凡秉血氣

西藏圖考卷之七

藝文考上

十六

莫不尊親獨澤旺阿拉布坦蠢爾無知自外生成逞井蛙之見肆螳臂之雄暗令車零敦多布等戕害喇藏荼毒生靈邊臣奏報上厓

宸衷軫此荒隅陷於水火爰命撫遠大將軍王親統貔貅駐節木

魯烏蘇居中調度指授機宜遣平逆將軍延信由苦苦兒

塞一路進勦令

臣

噶爾弼統領川滇荆楚江浙滿漢官兵

由蜀進勦於康熙五十九年四月十六日自成都拜疏起程由蜀之打箭鑪裡塘巴塘以至乍丫又木多會集大兵整隊進發一由類伍齊結束結科噶三達奔公爲正兵一由洛隆宗碩般多達隆宗沙弓喇弩弓喇爲奇兵訂期會

取喇里竹工墨竹工卡一帶地方宣佈

天朝恩威曉以順逆大義撫歸戮叛敗散賊番降服準噶爾委授之藏王達格咱喋巴阿角喇復坦兵不血刃於八月二十三日直抵詔地封倉庫以待王師撫僧俗而甯佛土招回哈喇烏蘇助逆之喋巴斷彼喇撒達木餽賊之糧道西師在前我兵在後而車零敦多布等援散食絕力竭勢窮狼奔豕突戢影遠遁由是西來之達賴喇嘛於九月望日抵藏坐牀僧俗皈依遠邇傾嚮歡聲振天梵音匝地共祝聖壽無疆河山鞏固此皆上賴

廟謨宏遠德威遐震下仗諸臣佈置有方糗糧充裕更兼將士奮

勇志切同讐所以道經五千履危峯雪嶺有如平地時歷四月冒蠻煙瘴雨而甘之若飴壯氣凌雲直入亘古師旅未到之絕域而成此克捷之功也勒之豐碑恭紀道塗年月云爾銘曰天地爲界日月爲期一洗塵氛永靖荒裔

儲大文擬平西藏碑文

聖清受

天成命撫有萬邦欽惟

太祖高皇帝乘乾立極

太宗文皇帝道洽風淳

世祖章皇帝神武丕昭統一寰宇

皇上纘

三聖之寶祚膺八表之璿圖薄海際天罔不祇貢自

御極迄今平三叛平臺灣平俄羅斯而噶爾旦擾我邊氓

六飛三駕刈其壘俘其子偉烈豐功載高隆古蠢爾澤旺阿喇蒲

坦敢作不靖渠黨策陵董多布據西藏翦黃教日戕唐古

特圖白特人民

皇上廣咨廷臣決策征討

冊命撫遠大將軍固山貝子臣允禔總西方諸帥而振武將軍臣

傅爾丹征西將軍臣祁里德靖逆將軍臣富甯安胥受鉞

宣威於伊吾高昌之域獲級擒生賊渠遠遁康熙五十九

西藏圖考卷之七

藝文考上

十八

年夏四月臣允禔承

詔發北站道駐師木魯烏蘇爲進藏諸軍節度平逆將軍臣延信

率滿洲綠旗兵尋發南道經苦苦腦兒來稟軍律護達賴

喇嘛臣胡畢爾漢以進秋八月十五日師次薄克河賊夜

犯營敗之二十日次齊嫩果兒賊二千有奇夜乘大雪犯

營我師整陣以待大敗之二十二日次楚馬拉賊復夜乘

大雪犯營火器胥濕滅我師奮擊又大敗之策陵董多布

棄師遁而定西將軍臣噶爾弼亦稟軍符率滿洲綠旗兵

以四月發打箭鑪六月經乂木多會雲南都統臣趙坤符

發中甸之師以進攻克拉里是時渠黨宰僧吹音匹兒等

準噶爾兵六百蠻兵二千守噶爾招穆倫渡暨墨朱工喀而朱貢欲降不果我師檄工布第巴率兵二千以秋八月十六日會墨朱工喀而初四日兩軍發拉里進次工喀爾拉朱貢之胡土克圖降又進次朱貢吹音匹兒震懾返達木潛遁而工布兵亦如契箭至乃進取墨朱工喀諭降第巴達克襍暨喇嘛種兒頭目亟集革船以二十二日渡噶爾招穆倫口分三隊二十三日警鼓發遂進取西藏宣諭第巴頭目暨色拉布陵奔諸寺廟喇嘛斬總管準噶兒喇嘛五而平逆將軍兵亦至九月十五日達賴喇嘛升牀唐古特圖白特大和西藏平越月留偏師戍之而諸帥胥振旅以歸昔漢通西域不及婁羌後魏追吐谷渾什寅師未至白蘭以瘴疫返唐討吐谷渾師一達柏海星宿川吐蕃論欽陵嘗謂烏海黃河關源阻深風土疫癘唐兵必不能入李德裕議繇維州索叢嶺走長川不三千里徑掩吐蕃牙令生羌燒十三橋而策訖不行元烏思藏納里速古魯孫路等不書地理志而四川雲南徼外行師南厓濟卡頭西厓經晏當明討曲先師一達雅令闊而二法王四藏後并不復冊封未有如今兩道深入霆擊電掃闢前世不克闢之絕域舉吐蕃鶻莽突錄濟農歌迎勞唐使三驛唐雅州達吐蕃三道暨麗水達彌諾江道而縱金浴鐵之士胥

虎步履之用俾八思巴瑣南堅錯黃教復興而繇是經蘇
毗以達鄯善經候斤以達安西且偕伊吾高昌襲擊之師
並集鹵庭克殄凶醜此直旬月可辦臣允禩幸轄羣帥參
成勞謹書其畧於石所以仰窺

皇上兼覆之慈獨斷之識克俾文武諸臣和衷體國以建此殊庸
而益以昭

太祖

太宗

世祖之聖德神功於億萬里之遙億萬禩之永也爰拜手稽首而

獻頌曰

西藏圖考卷之七

藝文考上

二十一

天命

聖清爰統六合乾綱坤維嶽奠海納西南下國法教湮淪兼覆不遺

天子之仁萬里行師紛紜廷議獨斷而克

天子之智兩道深入絕域宴然望闕頌額

天子萬年帥臣驛聞勲書竹帛詞臣考典請勒金石

天子曰俞朕用褒崇

太祖

太宗

世祖之功

楊揆廓爾喀紀功碑文

蓋聞制勝克敵聖人貴先幾之斷討貳舍服王者用無戰之師是以干羽之格七旬玃狁之征六月兩階之舞九伐之威義正仁育其揆一也欽惟我

皇上握璇衡以奉天撫蘿圖而建極月竈日際罔敢弗庭西賚南琛無思不服惟茲廓爾喀者遠處極邊去衛藏三千餘里其人則爻閭之所未陳其地則章亥之所未步潛吹虺毒妄肆鴟張洊食鄰封歷有年所乾隆五十三年乃敢驅其醜類犯我藏界

天戈所指旋即遁逃鹿鋌險而擇音鮒涸轍而噓沫頂經詣闕爰輸就日之誠祝網希

西藏圖考卷之七

藝文考上

一二十一

恩暫緩防風之戮此蓋伏遇我

皇上覆幬爲量無所不容廣綏徠柔遠之仁申先德後刑之義許附屬國俾列藩封

聖德生成至鴻龐也何期梟性不馴狼食反顧徒陳魏絳之議竟渝頡利之盟先誘西藏噶布倫丹津班珠爾而執之遂稱兵由薩迦定日肆掠札什倫布而去餘賊復屯聚於濟隴絨轄聶拉木意存窺伺蓋以爲地險萬里舟車不能至也天樞九重雷霆不能及也於時鼓角宵鳴旄頭曉落塵生紺殿三千法界之災風捲珠林五百修羅之劫蓮座之莊嚴頊毀靈幢之花雨驚飛律犯貪嗔心生恐怖燃烽告警

閣境戒嚴駐藏大臣以狀上聞

帝用震怒曰是不可赦且衛藏之地久隸版圖涵濡

聖澤百有餘年乃廓爾喀反覆靡常狡焉思逞不加撻伐曷禁兇

頑於是發

明詔選重臣命大學士一等嘉勇公福康安爲大將軍以領侍衛
內大臣超勇公海蘭察四川總督兵部尙書右都御史惠
齡爲參贊大臣指授方略統帥勁旅雲臺犀甲張組練於
風雲羽林虎步耀戈鋌於霜雪前旌乍轉後陣長驅滿漢
索倫屯土降番諸兵無不景從響集星馳雷動歲次壬子
建寅之月大將軍取道青海至於藏地儲芻糧勵將士占

西藏圖考卷之七

藝文考上

一二十一

星五夜飛檄千行雍容上將之風距踴三河之俠誠以師
行絕徼宜速而不宜遲寇閉重垣用眾惟甯用寡其時聶
拉木賊匪先經領隊大臣成德等率兵掩襲聚而殲焉四
月乙未大將軍兵次定日復遣領隊大臣岱森保等協同
成德濟以偏師出聶拉木以壯聲援令曰見可而進毋輕
犯險又遣川北鎮總兵官諸神保等分兵駐於絨轄牽綴
賊勢令曰防其間出擾我後路大將軍與參贊大臣超勇
公海蘭察親督勁兵直取濟隴而蔓延之賊已洊及擦木
據險抵禦我兵破宵冒霏分隊競進參贊大臣惠齡率師
繼之遠瞰封泥之固預搜伏莽之戎百道飛行三軍氣湧

賊匪拒嚴椒而進壘疊石菌以開營狡穴偷安危巢延息
官軍猝至未之覺也釜魂莫竄刃血爭飛奔走既窮阻隘
斯克甲辰舉擦木乙巳賊兵援至遇於瑪噶爾轄爾甲山
梁牙梟忽鳴驪虵突出再接再厲殲戮無算丁未師於濟
隴揮樁喉之長戈展攻心之上策重圍四合大纛高懸堅
壁壓於頽雲巍礪摧於烈燄破一軍之甲不待崇朝斬二
丈之綏曾無踰刻凡賊匪盤踞之所至是悉復而聶拉木
官兵亦克札木以進賊眾連北軍聲赫焉由濟隴而西遂
臨賊境危峯崩劣密箐陰森毒霧漲空炎氛鬱旦馬懸蹄
而不上鳥戢翼以爭迴巨石嵯峨拔地千尋之筍洪濤搏

激噴崖萬壑之雷賊匪負巉巖阻深溪我兵仰攻矢石不
及於是大將軍令領隊大臣副都統阿滿泰乾清門侍衛
哲森保等率兵由峩綠大山疾趨熱索橋上游紮筏竟渡
山靈鼓掌驚柴紹之壁龍河伯潛踪避敖曹之地虎連旌
彌谷飛爾灑空壬子克熱索橋賊匪斃者十之六七餘眾
退保於協布魯我兵乘勝突入賈勇有餘三更裏鄧艾之
羶十步設劉鄩之計犀渠鶴藪突陣鋒鈇爆槊鉤鐔斫營
力勁駕飛橋於樹杪渡急溜於巖腰辛酉奪其壘而據之
飲馬之水皆赤燒巖之火尙明大將軍巡其營壘視昨戰
處曰其險如此非我能克殆天佑也夫兵行愈遠後路遼

絕裹糧轉戰士不宿飽伏蒙

聖天子宵旰運籌無微不燭

特命大學士孫士毅自察木多馳赴前藏曰藏東一路軍火糧餉
汝其任之以工部尙書和琳爲駐藏大臣曰自藏以西則
和琳之責竝

命參贊大臣惠齡曰毋狃於接戰其濟隴以外則惠齡之責轉輸
之功與接戰之功無異也由是徙錢溢市轉餉載途出積
貯於民間招流亡於塞下負戴不絕肩背相摩征人忘呼
癸之虞壯士享椎牛之樂晨餐增竈何須并拜耿恭夜唱
持籌不用沙量道濟愈見飛揚士氣踴躍軍心六月庚午

西藏圖考卷之七

藝文考上

一二十四

師次噶多其時賊匪益眾聚於東覺危磴一綫巔崖萬仞
刀光霍日人聲隔雲雷殷殷而振宵鳶跼跼而墮水衝波
雪濺吐瘴烟凝澀壑夏寒本燭龍不照之地崇岡晝晦是
陽烏迴足之鄉大將軍勒部曲嚴號令備器械裹餼糧繞
行博爾東拉山梁分前隊爲三參贊大臣超勇公海蘭察
統之又分前隊爲二繞行噶多普山麓大將軍統之兩路
竝發空壁逐戰復令都統銜獲軍統領臺斐英阿等設疑
兵於足木古拉巴載山梁與賊匪對拒飄方旗之綵繚轟
巨礮之砰礮賊匪愕眙惕息伏匿不出兩路之兵攀深林
之蒙翳躡利石之峻嶒度險懸繩縋幽束炬大將軍率乾

清門侍衛額勒登保等督兵力撲賊匪潰亂僵仆相藉參贊大臣公海蘭察亦繞出賊上與大將軍合癸酉克其木城碉卡凡數十處追奔逐北至於雍雅俘其頭人以歸聶拉木官兵亦克鐵索橋隴岡賊卡進至利底勦賊甚眾其絨轄之賊潛遁爰檄總兵官諸神保等合兵於利底於是廓爾喀全部震動遣人詣營乞降大將軍曰賊匪狡詐此舉將以緩我師也不可信嚴檄責之賊匪惶懼守禦如故困獸猶鬪窮鳥尙飛妄思螳臂之當車莫顧燕巢之覆卵鴉方折翼蟲尙含沙七月庚子復與賊戰於堆補木甲爾古拉直抵帕朗古人怒未舒軍鋒益銳十盪十決軍其國

中三絕三通來如天上蓋自進兵以來時未三月以五千餘眾深入八百里俘擒斬獲以三四千計膚功克奏我武維揚廓爾喀酋長再遣頭人詣營歸噶布倫丹津班珠爾等於藏其札什倫布所掠悉以獻出敬遣大頭人噶箕第烏達特達巴等奉表

闕下恭進馴象番馬及樂工一部其餘方物充牣不可勝計且報曰遵奉大將軍約毋敢再犯藏界永爲不侵不叛之臣用申革面革心之誓鞠臆稽顙哀懇再四大將軍露布入告

皇上鑒其悔罪之誠洽以好生之德赦彼前愆復厥舊土列其人

於王會俾與嬰瓌盪琫之朝隸其樂於太常令隨僭侏兜
離之後名駒躍塹充十二之天閑香象渡河備
九重之仙仗奚止矢供肅慎雉獻越裳洵足以宣邕

皇威鬻軒

帝載大將軍敬奉

詔旨振軍容而納欵嚴戎服以開營臨邊築三受降城專闡領五
招討使朱旛華鼓咸知萬福威名赤舄繡裳爭望令公顏
色愛降人如赤子感僕射如父兄從此西域長甯投戈恐
後南人不反推赤如初萬馬回鑣聽嫖姚之笳鼓六軍唱
凱擁光弼之旌旗是役也大將軍仰秉

西藏圖考卷之七

藝文考上

二十六

廟謨躬承

睿算若衝風之捲秋籟譬夏景之潰春冰所謂我戰則克有斷然
者^某從事斯役與覲葳功敬惟韓愈之作平淮西碑班固
之勒燕然山銘皆以紀一時之績歸美於上之詞也爰仿
其義而書之銘曰惟

皇聖武威溥埏紘玉戚朱干不諛是征桓桓將軍秉旄仗鉞振旅
闐闐用張撻伐曰衛曰藏我土我民誰泄師言侮於強鄰
王師其來載欣載悅誅是不順莫或於敵左執其角右扼其吭修
我戈矛峙乃糗糧崇山連連隘不容馬閒道用奇擊眾以
寡七戰七捷師不踰時賊勢窮蹙匍匐陳詞

帝鑒照臨爰赦厥咎遣使伏闕奉表稽首王師於來萬里震驚王師於返旣安且甯師行惟勞戮力相向制勝克敵功歸主將將軍不伐其告師徒凡此壯猷悉秉

廟謨惟聖不矜成功善讓大武十全胥歸

昊貺

福康安重脩雙忠祠碑記

雙忠祠在前藏大招東北向爲駐藏大臣行署朱爾墨特那木札爾之難駐藏大臣傅公拉公死焉署亦燬於火番民感二公之忠烈因其舊址請立祠肖像以祀蓋以二公之大有造於衛藏也傅公諱清爲康安世父乾隆十五年西藏圖考卷之七
藝文考上
二十七
公以都統奉

命駐藏左都御史拉布敦副之時朱爾墨特那木札爾襲其父頗羅鼐郡王封專藏事多不法稍裁抑之橫如故公廉其叛逆有迹密疏請便宜從事以絕後患奏入

上以公孤懸絕域未可輕舉

命都統班第代拉公將明正其罪以申國法

旨未至反謀益亟廣布私人凡駐藏大臣一舉動輒偵邏之禁郵遞不得通潛結準噶爾爲外援藏中有異己者將盡誅之勢且延及達賴喇嘛爲雄長一方之計公如坐待其變事發而公必死誘而誅之其羽翼已成眾寡不敵而公亦死

均之死也毋甯變速而禍小遂與拉公定密計以十月十三日告其黨羅卜藏達什曰召藏王來有

旨令議事朱爾墨特那木札爾以公勢孤聞召不之疑亦不設備

公與拉公登樓待之止其眾於樓下隨上者四五人公見之顏色不動如平時引入臥室門卽闔急掣襟底預藏前藏王頗羅鼐所獻之順刀連砍之中項而仆從者進前以梃擊其首立斃羅卜藏達什在門外聞格鬪聲知禍發抉窗跳越告其壻第巴喇布坦等號召賊眾須臾麇至鎗礮競發環攻之牆高而固不能入賊乃積薪樓下烈焰四起樓焚賊遂攀援而登公手刃數賊身被三傷力竭自刎以殉拉公亦中創死吁烈矣哉夫衛藏距京師萬有餘里公鎮其地戍兵寡弱外不足以制其力內不足以奪其權使朱爾墨特那木札爾竟舉兵反番民性怯懦勢必舉而從之以向隸版籍之地一旦陷賊卽使以身殉事已無及勞師糜餉致貽

西藏圖考卷之七

藝文考上

二十八

聖主西顧憂疇職是土顧可以一死委其責耶公獨奮不顧身毅然定大計乘其未發誘而誅之餘黨雖擾攘而渠魁已殲如瓦解冰泮無能爲難不旋踵而就縛盡伏厥辜公雖死而全藏以安

國威以振是非傅介子之誘斬樓蘭所可同日而語也事定班

公及四川總督公策楞至藏列二公死事狀上聞

天子震悼下

詔褒嘉諡以襄烈與拉公俱贈一等伯入賢良祠昭忠祠復

敕建雙忠祠每春秋二時特遣大臣致祭子孫以一等子爵世襲

罔替卹忠錄庸延及苗裔嗚呼公之心其可慰矣康安以五十六年奉命督師進剿廓爾喀來藏謁雙忠祠瞻拜遺像距公殉節時蓋四十餘年矣藏番追念兩公遺澤歲時奔走香火不絕至今猶有能道當時遺事者惟碑碣缺如堂廡垣墉間有傾圮爰於班師之日葺而新之且恐歲久遺跡或湮敬書其事以示後人其時同殉者爲主事策答爾參將黃元龍並爲位於廡以配食傳云能捍大患則祀之如公者番民雖百世祀可也

松筠巡邊記

此碑泐於前後藏江孜演武廳文亦互異是篇蓋蜀志所節取也

乾隆六十年乙卯夏四月巡邊自前藏經曲水過巴則江孜共十日行抵後藏由札什倫布走岡堅寺彭錯嶺拉孜羅羅脇噶爾過定日通拉大山共計十一日至聶拉木又由達爾結嶺西轉經過白孜草地鞏塘拉大山瓊噶爾寺南轉出宗喀共行六日至濟隴仍旋宗喀東北行十日還至拉孜入東山一日至薩迦溝廟自廟北行二日出山仍走岡堅還至札什倫布往復略地隨在繪圖知其概焉緣

札什倫布西南左有薩迦溝內之曲多江鞏右有彭錯嶺峭壁連岡是爲後藏咽喉實天然要隘也乃辛亥年廓爾喀以步卒數千入自聶拉木走薩迦溝直抵札什倫布彼時果有現在之漢番官兵劃分兩路一赴曲多江鞏以扼其前一赴彭錯嶺偵探以截其後則廓爾喀深入無援可以不戰自潰至協噶爾定日左首之絨轄喀達定結西路之宗喀瓊噶爾鞏塘拉大山皆爲天然門戶曲水巴則江孜又爲前藏之要隘而江孜迤南之帕克哩甘壩等處界連藏曲大河尤爲前後藏第一險要所有漢番官兵及噶布等均宜熟悉因於前後藏江孜教場泐石咸使對圖講

西藏圖考卷之七

藝文考上

三十

求人各胸中有主方於汛防有益然安邊之策莫若自治非獨濟隴聶拉木番民應派廉潔營官管理所有前後藏屬各營官第巴皆能教以廉潔自持善撫百姓又何他患耶是爲記

雖經刪短而險要地名雖存原文詳載續集

松筠西招條議

公於嘉慶初年駐藏著西招圖略二

除苛厲俗慎刑綏遠懷來成才述事審隘量敵合
操行操練兵申律制師馭眾堅陣出奇倡勇謹勝
善始持志防守正其審隘餘具公書可考也
取其切中時事者再錄十條

撫藩藩之所以宜撫者羈縻而教之者也譬如衛藏達賴班禪亦藩也其性惟知誦經闡教至其屬下百姓如何教養素本未悉是故

聖皇欽派大臣駐藏爲之教爲之養所以安邊撫藩也撫也者循循導其爲善也夫達賴班禪原以慈悲爲本似不必導然其慈悲本釋氏之無爲知爲己而不知爲政其屬下噶布倫僧俗營官第巴頭人或有苛斂以致百姓散亡而不知若因其不知而率爲詆斥則又非撫矣必宜推廣皇仁以內地百姓平日如何教養遇有偏灾如何賑恤使之聞之而後勸之嚴束營官安養百姓恤灾散賑一切告示皆諭以

聖主皇仁及達賴班禪慈悲仍使百姓感彼之德則其欣然由我治理而無梗矣所謂納約自牖是必宜導者也達賴有西藏圖考卷之七
藝文考上
三十一
噶布倫等官班禪僅有商卓特巴一人伊等或有達迎於我而蔑視達賴班禪者應卽教誡無使達賴班禪寒心可期各寺僧眾悅服蓋其僧眾強勝多於百姓而百姓惟僧是敬且信故宜羈縻善撫而善教之所謂卽以其人之道還治其人之身者此也 邇欲夫欲者貪也大凡蠻夷皆貪貨利故金玉珊瑚種種異物產焉此蓋天意也何則譬如中國爲政仁育萬物義正萬民寶善而弗寶金玉是故中華鮮出異物而獨五穀蠶絲是產以養人之正氣惟萬國來王各獻厥貢祝

壽無疆而

聖皇厚往薄來所以柔遠人也若夫

欽差大臣固不可收受蠻家之獻而况欲其寶貨而貪取也蠻夷惟知寶其貨財而我欲貪取之無論彼心難舍敢怒而不敢言卽其與矣或無厭而復索他寶雖云發價而不值其貨或以進貢爲言強取強買久之積忿必深變生必大此皆縱欲所致起邊衅敗國事蓋由於此臨時雖悔無及欲之不遏可乎夫縱欲者不仁之甚也非獨邊臣常宜遏欲卽內地地方伯守令一有好財者則胥吏僕從比然陰謀必藉端勒索富民倘不遂欲或誣以他事困於囹圄以辱之由此或生意外之虞深可畏也傳曰不仁者以身發財

余謂財未發而身已敗豈不惜哉欲之不遏可乎至如西藏達賴班禪以及屬下僧俗無不寶其古佛者若駐藏大臣取之其必與也與則與矣然其難舍也亦如寶貨且曰古佛爲衛藏之元氣取之則必有損於彼夫如是又何必取之失其向慕之心况或爲其所怨耶取彼之怨由我之欲余故曰欲之不遏不可也 〔除苛〕除苛所以甦民也甦民所以安邦也故駐藏大臣每年巡閱藉以省斂安民法至善也蓋班禪所屬疆域有限內地無多不過札什倫布周匝耳至達賴喇嘛所屬東北有哈喇烏蘇西北有阿里薩喀東南有錯納工布江達拉里碩板多洛隆宗江卡西

南有濟隴聶拉木絨轄喀達定結干壩帕克哩此皆藏屬
邊地或當大路而差賦日增逃亡日眾卽如濟隴內瓊堆
一村原有百姓五十餘戶今止八戶而每年仍迫以原戶
差賦其薩喀一屬原有百姓一千餘戶今止三百而亦以
原戶迫索差賦在在如此民不堪命久矣前因達賴班禪
蠲免番民錢糧具奏仰蒙

聖恩賞銀撫恤

乾隆乙卯既經達賴班禪蠲免錢糧復蒙

恩賞銀兩撫恤

邊氓乃得復甦然

其司事頭目貪饕性成如不善爲治理雖歲歲恤賞亦不
能拯救其民於是乎爲之除苛爲之減費有案可稽數年來民
生庶幾矣惟其司事僧俗不得漁利久而或復藉詞苛斂

西藏圖考卷之七

藝文考上

三十三

固宜隨時審察以期番民永安樂利而本固邦綏也

〔綏遠〕荒服宜綏而綏之道貴在羈縻得中而又本乎自
治譬如衛藏迤西有廓爾喀卽荒服也其界連濟隴聶拉
木而旁通絨轄喀達定結諸隘是故境內常宜自治必使
番民休養生息一無蕩析離居之患則荒服遠夷莫不傾
誠內向而聽命矣旣已聽命亟宜綏懷以結其心每遇朝
貢之年欸待自有定例若其平時遣人來藏請安微獻方
物自應收受加倍酬答酌量賞其來人以仰副

聖主一視同仁至意如駐藏大臣巡邊伊或得信遣人於界上

請安尤宜嘉其悃忱而優爲酬答假以詞色而推誠撫綏

倘有懇訴小則隨事羈縻以化其貪大則奏請檄諭以杜其漸至於我之邊民或有貪利欺凌外夷者必應訊明奏請嚴懲以示大公則彼心感服所謂綏遠者蓋不出此然酬答一切亦不可過過則近妄妄則或致輕視而有失威重所關非細總之夷性多貪近之不遜遠之則怨余故曰貴在羈縻得中也 〔懷來來者安之謂之懷所以勞其遠而慰其誠也〕衛藏達賴班禪本黃教之大宗爲內札薩克六盟外札薩克四部及部爾伯特土爾扈特青海各蒙古世所欽奉六盟曰哲哩木曰卓索圖曰招烏達曰錫林果勒曰烏蘭察布曰伊克招四部曰土謝圖汗曰車臣汗曰札薩克圖汗曰三音諾彥以上各蒙古遊牧疆界略見綏服圖而達賴班禪自崇德七年遣使恭進丹書克於

盛京以來各蒙古益加敬信或遣人布施熬茶或遣僧駐藏學藝年年來之絡繹是駐藏大臣所應指導達賴班禪推誠欸待以示慰勞者也至於藏地邊外如近阿哩之拉達克汗部又庫諾汗部又近宗喀之落敏湯部又近帕克哩之布魯克巴部亦嘗遣使與達賴班禪通好並與駐藏大臣請安是應面見來使慰勞獎賞可使爲我邊地保障又有巴勒布及卡契回眾常來藏地貿易其有早年來藏安家以貿易爲業者是應嚴束僕從及漢番兵役不得稍有擾累至藏地東北一帶有三十九族雖夷情部郎專轄而統

轄者駐藏大臣也事無大小必宜面詢實情教之撫之以期久安也此外尚有郭洛克德爾格乍丫等等番部亦嘗來藏瞻禮藉以貿易皆宜隨事撫綏教之恭順可期相安也第恐不懷不來與藏地有礙是故述而誌其概焉

量敵量敵所以慎防也衛藏番兵雖多怯懦如使其盡知敵勢而備悉戰守之要豈其怯懦不爲勇敢耶自

天兵平定準部以來衛藏武備偃然且久不知恤民以致寇至而無措此卽偃兵累民之大害也今之所謂敵者廓爾喀也蓋其俗也暴其性也貪恃其强悍而不修德然强者怨之歸也弱者德之助也天道福善禍淫似此強暴何可久

耶其勢如此夫復何畏其於戊申辛亥兩次入寇者徼幸耳今藏地休養邊氓爲之屏障訓練番兵爲之武備廓爾喀雖強胡敢輕入耶况帕克哩定結邊外之哲孟雄部宗木部薩喀宗喀界外之作木朗部落敏湯部雖被廓爾喀強佔然人心未服俱不無恢復之志倘廓爾喀仍前不軌卽一面堵剿一面飛檄哲孟雄等部令其各復舊業彼必奮然從命則廓爾喀內潰首尾不能兼顧我兵剿辦固爲易易然武備不可不講於平素而所設番兵尤宜勤加教練也衛藏四汛共設漢兵六百六十名內除旗鼓塘遞及各行匠役其能戰鬪者約有五百所設番兵三千除旗鼓

守隘各行匠役其能戰鬪者約有二千五百定日番兵內

百二十五名定琿五名卡防有五曰宗喀曰察木達曰杏嶺曰古拉噶木仲曰霞多爾每卡定琿一名番兵二十五

名後藏番兵內出防者共一百八十五名定琿七名卡防七處惟那克藏一處住定琿一名番兵三十五名其餘六

處曰薩喀曰喀達曰定結曰干壩曰春堆瑪布甲曰薩迦每卡定琿一名番兵二十五名四汛統領遊

擊一員都司一員守備三員千把外委十一員名唐古忒

領兵戴琿六員如琿十二名隊長甲琿二十四名隊目定

琿百二十名儘足調遣是例操之外尤應教以合操行操

禦敵破敵之術尚有達木蒙古騎兵五百有馬可備緩急平時切莫調用

亦應嚴行操演今著每年秋輪調八方不至如前挫折辛亥

年曾派達木兵於薩迦溝抵禦大有挫折實因不教所致譬如敵自濟隴聶拉木定結

西藏圖考卷之七 藝文考上 三十六

三路入寇其每路不過千數我兵儘可以逸待勞蓋謂強

敵者唐古忒怯懦之談敵跣足著履而行豈其不知深入

無援而無糧以為畏懼耶廓爾喀本不耐寒嚮者兩次入寇皆在夏月若至仲秋則無能

為矣故辛亥年伊之入寇者遁回約有二千人經過喀達之霞烏拉山遇雪凍死者千四百其得回巢者僅有數

百即此可知其冬春弗敢入也果其深入是定結最近則江孜守備遣戴

琿同軍功等帶兵由定結左路汪甸小路堆瓊大路入去邀擊

其後而後藏都司遣戴琿一員同把總軍功等由那爾湯

入南山經仁津孜塔克直抵拉固隆固極西之喀木巴拉

山梁堵截或敵僅在定結而我兵即由多布札走錯莫志

通海子西岸夜越定結東山先以火彈燒賊營壘繼之以

鎗而預約江孜所發之兵乘勢邀擊則敵敗必矣其由濟隴聶拉木入者必經協噶爾走薩迦來撲後招著後招都司卽派如琫三名同軍功等帶領鎗手番兵數百名由左路朗拉山入於曲多江鞏阿尼鞏三處卡隘分紮堵禦又於朗拉山石堆八陣處按堆插旗伏設大砲其達克拉山左右兩巖亦令伏設大砲並著江孜守備住守後招而後招都司應卽帶兵多攜火彈由甲錯大路前往協噶爾與定日守備相協設伏夾擊之

可於琫褚河橋或羅哩及果瓊拉山埋伏如敵已至薩迦

則我兵應由拉孜入向薩迦廟以搗其後再調唐古忒仲科爾額設鄉兵數千名撥弁督領分路助勢因險伏擊之敵其奔所有彭錯嶺右隘珠鄂隴中隘最爲險固量敵不敗必矣

西藏圖考卷之七

藝文考上

三十七

敢逕入卽或其入則我兵可由花寨子西之格登山峽堵截最易得手惟定日一汛西南捍禦聶拉木正西捍禦濟隴如兩路寇入定日守備可暫堅守本汛及塘遞不時飛稟情形聽候調遣夫敵之入也行走罔能迅速且我有備豈其不知耶况一有警則駐藏大臣一面具奏一面祭告山川社稷帶領前藏官兵馳往而卽檄詢該王責以悖逆不法且檄飭哲孟雄作木朗等部令其乘敵內虛往攻之則其無能爲矣譬如敵旣奔遁則我兵卽由濟隴聶拉木兩路而進其聶拉木道路雖險若於八九月秋高之際進兵較比濟隴道路尤易且近蓋兵在精而不在多總之權

變在我量敵之勢運心之妙不戰且勝而況戰乎 谷操
夫太平蓄銳固宜專技練習例操之外務須一律合操武
備庶不虛設也所謂專技者有神火連環有九子火彈有
馬射步射有滾牌刀矛有執燾者有背旗者視兵之力各
專一技而散操之既熟則號令施焉所謂號令者中軍揮
旗繼以信炮齊以海螺鼓以進之鉦以止之此坐作進退
之令也既悉則使知先後而教焉蓋騎兵宜隨帥燾而聽
令必先之以神火炮响三聲齊打進步連環鉦鳴而止隨
吹海螺而持火彈者發喊突前施之既畢聽鉦而退隨卽
擊柝步箭齊發鉦鳴而稍退鼓响則滾牌刀矛喊聲躍出
隨响排鎗各展技能繼吹海螺所有九子連環神火由兩
翼飛出而列之號炮三聲則眾鎗齊發遂成圓陣合圍得
勝中軍揮旗樂奏凱歌各行因鉦隨燾徐徐撤歸麾下隊
長齊聲報捷此太平蓄銳有制之軍堪稱武備也 行操
綠營教場演陣乃操兵常制然兵習常制而不諳破敵之
術不可也則宜行操所謂行操者各統領隨時率同隊長
兵丁先吹海螺齊以列陣陣畢號炮三聲鼓吹而中左右
三軍穩步進發約行五里見有預立草堆則中軍揮旗一
聲炮响左右兩軍不動獨中軍操演一如合操節次將操
之際中軍揮旗三聲炮响右軍旁出前進約行三里又見

草堆則本隊一聲炮响發喊操之初以三進連環繼以火彈又繼以箭時中軍拾得箭彈同左軍相繼趨至一聲炮响獨中軍繼右如前操演將操之際中軍揮旗三聲炮响左軍亦如右軍旁出前行三里復見草堆其响炮操演與右軍同時中右二軍拾得箭彈已繼趨至獨中軍繼左响炮操演如前又前二里有草堆其稍前左右各三里許有先行潛發伏兵兩隊靜聽中軍九聲大炮兩伏發喊突前各離草堆一箭之地揮旗勒住隊伍各响號炮一聲先操以連環九子繼以火彈又繼以箭正演之際中左右三軍齊至揮旗令吹海螺合兩伏軍盡向草堆列爲圓陣鼓响

演如合操節次既畢鳴鈺收軍各兵穩步拾得箭彈遂吹海螺以右軍爲前軍以左軍爲右軍以伏右爲左軍以伏左爲後軍而中軍揮旗一聲大炮樂奏凱歌各隊响鼓穩步而旋行操五隊旗本五色旋歸之際中軍如揮某旗令向某方操演則某隊應令突出而往復繼發某隊以援之操畢仍歸大隊徐徐均至教場分列八隊一如例操收軍之制行操所以練習破敵之術庶幾兵心有主而氣作不畏強敵矣此蓋平原之操以之變化仰攻俯壓履險度峽無一不可也

本年前後奏定添設行操及仰攻俯壓山操所有前藏江孜定日四汛操演俱已合式

練兵練兵所以禁暴靖民也雖例操之外有合操行操然

兵不識將將不識兵不可也衛藏四汛共兵三千其隊目定琫一名管兵二十有五隊長甲琫一名管兵一百二十有五如琫一名管兵二百五十戴琫六員分應各管五百因令如琫甲琫定琫各舉各號一呼則其本管番兵應聲而至作有差發之狀務於合操行操之時常令呼演左右前後四路差發或使搶卡或使埋伏或使前驅開道或使相冰疊橋以上號令其如琫甲琫各以旗幟分色別以番語勇敢等字爲號至於定琫人多其口號旗號俱以唐古忒字母編之無得重音譬如字母之噶喀噶阿四字只用噶喀阿三字以便遠聽易悉但字母除去重音僅得二十

蓋足江孜定日兩汛各定琫二十名編號其前藏後藏各兵一千定琫各有四十令編左噶右噶左喀右喀而分別之儘足四十矣若夫例操鎗箭原爲中的而箭靶鎗靶過寬皆非定制也蓋箭靶寬不過尺二鎗靶寬不過二尺久操之自能中的而鎗箭隨舉隨發無不如意則所向無前乃爲有濟也此固細事似毋庸書然番兵之設未久練習之法未熟且駐藏大臣數年一換而操防官兵更代有期故書之以便交代久之習慣自然雖有強敵弗敢入也加之感化使唐古忒與疆外諸番咸同一家則邊氓綏靖萬載相安矣 謹勝夫爲大將者凜凜若負重而履薄冰

戰戰如登朽木以臨萬仞曰謹勝者言既勝之後益宜謹
慎也衛藏邊地皆山易爲設伏譬如敵寇深入既敗一時
不能奔回或卽捨命因夜潛攻是既勝之後卽宜分兵設
伏邀擊其後使其首尾不顧取勝尤易况古人有以石爲
兵者有以牛爲陣者後招札什倫布迤西中左右三路直
至定日聶拉木宗喀濟隴無論高山平地皆有石子而定
結喀達一帶皆然以跣足步行深入之敵一經奔敗我兵
先於其歸逕山彎高岡設伏三五處視寇既近先响號炮
遂以亂石拋擊當其魂蕩之際大兵隨後追剿寇其片甲
無歸矣或接仗之前因夜先用毛牛衛藏毛牛極多束草於尾草

西藏圖考卷之七

藝文考上

四十一

盡貫油以火燃之尾痛牛奔向寇隨以經鼓喇嘛念經之鼓極多插

之振之牛至寇亂大兵分路掩擊斷無不勝之理我兵既

勝必宜防其捨命還攻應卽設伏繞其後路以分敵勢隨

在邀擊取勝必矣然金鼓旌旗最爲緊要兵法云言不相聞故爲鼓鐸視

不相見故爲旌旗所以一而要知右白左蒼蒼爲青色後

黑前赤與夫中黃乃爲五行之制天道之勝也邊地操防皆用綠營

旗幟然既有行操必宜五色兵法所謂左將蒼旗右將白

旗中使黃旗後軍用黑前軍用赤五行之制也又云如敵

從中軍突出則應之以左部青旗敵從離方來則應之以

則應之以前部紅旗敵從坎方來蓋天道五行怙恃大軍
而扶正靖逆者也倘敵寇盜賊亦知仿用此術則是謂之

逆天一定亡不待時矣凡爲將者固宜深悉而必須號令嚴明矢謹矢慎可保常勝且宜勝後益加謹慎也 善始何謂善始太平制銳所以練軍實而備緩急而緩急之始又莫不以糗糧爲急所謂善始也藏地無米惟產稞麥番兵糶粃是食糗糧庶爲易辦至於在藏綠營官兵平日所食稻米皆由邊外布魯克巴等部采買運藏應用如有緩急米買不及自應亦以糶粃爲食乾隆五十三年

聖皇訓示番兵既食糶粃其綠營官兵應卽一律廩給所謂振廩

同食上下無異示與番兵同甘苦也從前運糧無不沿站僱夫背運或僱驢騾馱運者固屬有濟然番民無多驢騾

西藏圖考卷之七

藝文考上

四十二

有限倘有不濟則師不宿飽所關非細是平素之儲臨時之運不可不預爲講求儘可備而不用也前藏糧臺例儲稞麥三千石共一萬九千餘克並布達拉碩內存貯達賴喇嘛之庄頭所納青稞五千克

藏斗曰克其六克有奇足敷內地一石倘有緩急雖

一時不能碾磨儘可發給噶布倫各世家及藏市出賣糶粃之家易其現有者應用是足衛藏各汛

漢番官兵三月之食此外各處營官寨亦貯有達賴喇嘛之庄頭所納青稞昨經查明通共二萬九千二百餘克以之碾爲糶粃是又足食三月有餘連前共計足食六月有

餘乃知前任喇嘛薩瑪第巴克什之功矣

設有不敷其班禪額爾德尼所

屬之拉孜地方產糧較廣而前藏所屬之山南瓊結一帶直至工布達克布所產青稞素稱充裕或必須多備儘

可發旱偏災賑然各庄頭一年共再交十年更四千二百餘克
備水駐藏大臣每年裨益查此項本係從前奉漢番官駐藏
是應之儲誠有裨益查此項本係從前奉漢番官駐藏
辦荒之商上無儲備之計庄糧之稍盈餘因令各庄頭以
交營官存貯商以上備用誠謂美政茲已立案任任俱可稽
查復令於營所交青稞以備內差喂馬之需譬之敵於仲夏
入寇水蓋頻仍其聶人拉木以內暑而寒而陽布終年温煖雨
計早入窺伺不敢過久在羈我之境中則我兵邀擊追剿約需兩月
可抵陽布廓爾喀巢穴名陽布潮熱多雨究不若秋日晴
爽更易既至即可因糧於敵廓爾喀王本部兵士著有限所
聞得該王建塔原估七年竣工而現在嚴催以五年期於
是百姓深為苦累且巴勒布向皆貿易因有貴此等夷

西藏圖考卷之七

藝文考上

四十三

商現亦多困苦累而潛逸他鄉是民幹事者該王弗克信一
名以巴爾薩野一名瑪木薩野其月離矣况其所用兵五
百逃往第巴爾薩又野忿噶爾部是骨月離矣况其所用兵五
噶箕入則非舊時之發無一飛檄先通者料其不入則已即
除暴安民之義孰不箠食壺漿以代而書固非真欲用兵
因糧於敵此特泛論武備謹為交代而書固非真欲用兵
若恃戒而無恐又戒者輩以搗穴擒渠振旅旋藏而計之約需
所宜戒而無恐又戒者輩以搗穴擒渠振旅旋藏而計之約需

百三十日現儲六月之糧固有餘也

尙有所謂仲科爾世家之額設鄉兵暫守

卡隘者雖有自行裹帶更可以此儲既備矣運宜籌也前
酌給口糧則必感激盡心所事耳

藏所屬草地有哈喇烏蘇有陽巴井有瑪爾江有那木魯
有那克藏有波絨巴有薩喀皆有毛牛按道理之遠近僱
覓數千頭不獨載糧及鉛彈火藥一切輜重且可為沿邊

隨在戰陣之具夜用火牛更可價買數百以爲軍食既至濟入
其境則牛不能行然路近矣儘可裹糧而進先以牛肉是
炙乾搗碎每兵裹帶一觔足食半月實可以養人助氣是
行兵善始以糗糧爲急故略記而書之雖然兵凶器戰危
事非逞勝也其廓爾喀果能世世銜感

天朝再造之德而與唐古忒恆久和睦夫復用兵何爲况荒夷

言語字句素多粗陋倘其小有不順自應善爲解釋教以

恭順之道

如戊申辛亥之役緣達賴刺麻商上舊鑄銀錢

錢成色雖低藏內久行並無滯礙乃廓爾喀於乾隆五十
三六等年以其所販銀錢成色較高意欲以一當兩當一
倘有從旁愬其形跡不當時者即妨切曉諭當不如此嗣後
害並爲推其實無不軌之事而復開導則必傾誠稟訴原
委並深感服因之更申教飭而撫慰之固可以安民息事

西藏圖考卷之七

藝文考上

四十四

若黑白不分率議征進既失字小之道且非所以仰體

聖皇覆育恩施准其投誠之意然安不忘危兵不可弛是太平之

日正講武之時傳曰有備無患此之謂也